

# **Landesbibliothek Oldenburg**

**Digitalisierung von Drucken**

**Samuelis De Cocceji, Henr. Fil. Sacræ Regiæ Majestatis  
Borussicæ Magni Cancellarii, A Consiliis Sanctioribus  
Status Et Rei Bellicæ, Ordinis Nigræ Aquilæ Equitis Etc.  
Jus Civile Controversum Ubi ...**

Opus Ad Illustrationem Compendii Lauterbachiani ...

**Cocceji, Samuel von**

**Lipsiæ, 1766**

LIB. XXVI. TIT. IV. De Legitimis Tutoribus.

**urn:nbn:de:gbv:45:1-9050**

DE CONFIRMANDO TUTORE  
VEL CURATORE.

Qv. Si tutela, quae non rite in testamento est constituta, a magistratu confirmatur, an sit dativa, an testamentaria?

**L**auterb. h. t. putat, esse dativam, quia esse suum a magistratu habet, sed verius est, esse mixtam, ex testamentaria & dativa: & talis tutor quasi testamentarius praefertur legitimo, *L. 3. de Conf. tut.* perdit excusando se legatum, *L. 32. de Exc. tut.* nec cogitur satisfacere, nisi in casu, quo mater vel quilibet alius ei, quem instituit, tutorem dedit. *L. 2. L. 3. h.* Quasi Dativus ante decretum nec gerere potest, *L. 5. h.* nec excusare se tenetur, *L. 1. C. h.* nec obligatur, *L. 2. C. h.* nec si quis ante datus est, is ideo tutor esse desinit. *L. p. C. h.* De quibus videatur *Dn. Par. in Hyp. Inst. de tutel. §. 5. & Phil. Uf. pr. Inst. L. 1. Ecl. 78.*

Equidem hodie omnes tutelae videntur mixtae, quia omnes confirmatione opus habent. *O. P. de anno 1577. tit. 32.* Verum decretum hoc accedit, non ut jure subsistat, sed ut geri possit. *d. Hyp. §. 6.* Jus ergo tutelae ex solo testamento vel lege oritur, sed exercitium & gestio a iudice non tam conceditur, quam permittitur. Neque inde desinunt esse distinctae species & effectus.

## DE LEGITIMIS TUTORIBUS.

Qv. I. An Jure ff. & C. tutela matris & aviae sit dativa?

*Laut. pag. 463. verb. Jure ff. & Cod.* **A**FFIRM. Quia tutela est virile officium, a quo foeminae excluduntur sine datione Principis. *L. f. de tut. L. 2. L. f. C. Quand. mul. tut. off.*

OBJ. *L. 6. C. ad SCt. Tertull.* ubi vocatur legitima.

RESP. Non est legitima, quasi ex lege delata, sed quae secundum leges, adeoque justa est.

Hodie



Hodie post *Nov. 118. c. 5.* est legitima, indeque omnes effectus tutelæ legitimæ ibi obtinent.

Qv. II. Quando deficiat testamentaria tutela?

**R**ESP. Quando decedit intestatus quoad tutelam. Quod fit (1) quando plane non est testamentum; (2) si sit, sed in eo tutor datus non est, §. 2. *h.* adeoque ubi quis decedit intestatus ratione tutelæ; (3) si datur, sed datio ipso jure nulla sit; §. *p. l. de Curat.* (4) si datio valet, sed datus vivo testatore decessit; §. 2. *l. h.* quia deficit tutor, ut hæres præmoriens; nam lex defert & tutelam & hæreditatem tempore mortis. Non vero (5) si removetur tutor, vel se excusat. Conf. *Dn. Par. Hyp. Inst. h. §. 2.*

*Laut. pag. 463. verb. quæ deficientem.*

Qv. III. An patris quoque gentilitiis legitima tutela constituatur?

**N**EGATUR, sed sola lege. *Heig. p. 2. q. 1. 3.* (1) quia extraneus non potest tutorem dare, nisi ei, quem hæredem fecit, non, cui aliud quid relinquit; agnatus autem est extraneus; (2) quia extraneus non potest dare tutorem, nisi quoad præsentem successionem & casum, non quoad omnes casus & successiones futuras; (3) quia tutor dari nequit ei, qui in potestate est, agnati futuri autem non sunt; (4) tutela permixta est ultima voluntate dari, non pacto; (5) confirmatio judicis valere nequit quoad casus futuros, & qui contingunt, ubi desit esse iudex.

*Laut. pag. 463. verb. defertur lege.*

Exc. Si pacta vel lege confirmata sint, vel a Principe; quia tum lex nova est; & privilegium.

Qv. IV. An mater & avia præferantur quoque ascendentibus?

**N**EGATUR, si pater & avus paternus vivant; nam in horum potestate sunt, adeoque frustra de tutela quæritur, ubi nondum est caput liberum. Vid. *Hyp. Dn. Par. L. 1. t. 19. §. 4. & tit. 12. §. f.* At avis maternis & aviæ paternæ omnino præfertur mater, *Nov. 118. c. 4.* ubi dicitur, (1) quod iis nemo, nisi testamentarius, præferri debeat: non ergo ullus legitimus, qui eodem gradu est; (2) quia eodem ordine & gradu tutelam recipiunt, quo hæreditatem, *d. c. 3.* (3) quia omnibus cognatis præferuntur, uti sunt reliqui ascendentes, nec alia ulla prærogativa datur. Ita *Strauch. Diff. 5. th. 16.*

*Laut. pag. 463. verb. non etiam ascendentes.*



*Pruckm. i. con. 27. n. 114. Carpz. p. 2. d. 122. Et p. 2. Const. 11. def. 13.* ubi præjudicium exhibet, quod tantum excipit avos paternos; qui soli præferuntur matri. Unde apparet, jus vetus in *L. 2. L. 3. C. Quand. mul. tut. off.* mutatum esse per *Nov. 118.*

Qv. V. *An legitima tutrix removeatur sola prohibitione testatoris?*

*Dissentit Laut. pag. 463. verb. neque eam.*

**A**FFIRMATUR ratione certæ personæ, non vero ratione omnium legitimorum tutorum: idque apparet (1) ex *l. 21. §. 2. de tut. dat.* ibi: *Sed Et si quis a parentibus prohibitus fuerit tutor esse, hunc neque creari oportet Et c.* (2) ex *Nov. 118. c. 5.* ubi a patre testamento datus tutor præfertur matri addita ratione: *defuncti namque voluntatem Et electionem præponi volumus.* (3) ex *L. un. C. Si contr. matr. vol.* ubi contra voluntatem matris tutor non admittitur, nedum ergo contra patris voluntatem. Accedit (4) quod consilium patris semper optimum censeatur.

**O**BJ. *arg. L. 11. de R. J.* ubi quod nostrum est, uti jus tutelæ legitimæ, sine facto nostro, adeoque nec prohibitione patris, nobis auferri nequit.

**R**ESP. Falsum est, quod tutela legitima sit jus uxoris testatore prohibente, quia ei inest conditio: nisi pater prohibuerit. *dd. LL.*

**E**x c. Si non prohibitione patris, sed per statutum a successione excludatur; tunc enim non excluditur a tutela legitima, quæ juxta ordinem successione defertur; quia hujusmodi statuta sunt stricti juris. *Brunn. parat. de tutel. q. 13.*

LIB. XXVI. TIT. V.

## DE TUT. ET CURAT. DAT. AB HIS, QUI JUS DANDI HABENT, ET QUI, ET IN QUIBUS CAUSIS SPECIALITER DARI POSSUNT?

Qv. I. *Quando dativæ tutelæ locus sit?*

*Laut. pag. 464. verb. tum locus est Et c.*

**R**ESP. Quando nulla tutela est, uti si (1) nullus alius tutor nec testamentario, nec lege est constitutus. *pr. Inst. de At. tut.* (2) Si est tutor, sed vel sub conditione, vel in diem datus. *§. 1. Inst. h.* (3) Si inchoata tutela post mortem, sed deficit in perpetuum. *§. 6. I. h. L. 15. L. 16. h.* (4) Si ab hostibus captus est tutor. *§. 2. I. h. tit.*

Qv

